

【 蝴蝶仔¹】徐姿華原作

記得讀二年生該年，連續漚雨²幾下禮拜，落到人都硬硬會生姑哩！一直到拜三朝晨正斷雨腳³，當晝放學還有日頭花對貴貴个烏雲肚箭出來，大家都當歡喜，排列行出學校門。著等水靴仔、鑿皮个細條仔就開始涉水⁴搞，泥水濺到脣項个細妹同學吱吱滾，緊閃、緊跳、緊走，笑聲、鬧聲、罵人聲，跔等轉好个天時，大家个心情也像慢慢仔散忒个烏雲緊來緊開。

𠂆同老弟轉到屋面前个楓樹伯公下，看著一陣細細隻、頭大、烏烏个魚仔在路脣落雨過後个細水窟肚，泅來泅去當生趣。𠂆兩儕跔等看到母記得好轉，阿婆等無𠂆兜，行出禾埕大聲咻，𠂆兜正真母甘願个行轉屋下。
𠂆兩儕瞓著阿婆去睡當晝個時節，偷偷仔拿等空个乳粉罐仔，去楓樹伯公下捉魚仔。驚大人知著會罵，𠂆兜就同捉著个六尾魚仔，偷偷仔畜在書桌下，愛去上課同放學轉都會先去看一下，等愛寫字個時節正同𠂆兜拿出來放在桌頂，陪𠂆兜寫字。

第三日打早，老弟去看魚仔了後赴等愛去上課，乳粉罐仔無

放好勢喎橫忒，等𠂆兜下晝轉到屋下，水硬硬會流淨吶，罐頂淺淺个水肚伸著一尾魚仔定定，另外五尾魚仔燥死在書桌仔下咧。𠂆兩儕當傷心，同五尾魚仔埋在花園肚个桂花樹下，希望𠂆兜做得鼻得著桂花个香味。伸著該尾細魚仔，𠂆兜就過較細心細意照顧佢，大約一禮拜換一到水，還分佢食嫩嫩个菜葉仔。

十外日遇，該尾魚仔嘵生出兩支腳，𠂆兜試著魚仔會生腳當生趣，忍母核偷偷仔同阿爸講，阿爸看牠講：「該母係魚仔，係『蝴蝶仔』、蝴蝶仔係人仔。」差母多又遇一禮拜，蝴蝶仔又生出前腳哩，但有四隻腳還有尾，在水肚泅來泅去，當風神。

學校放暑假哩，阿姆同往年共樣帶𠂆兜轉姐婆屋下祭一禮拜，𠂆兜心肝肚掛吊等書桌下个蝴蝶仔，吉曾吉⁵就緊討愛轉。一轉到屋下，老弟黏時蹤入間肚，跔等就噉到大嬾聲，𠂆兜趕母掣攘包袱仔，就煞煞走入間肚去，看佢做麼个噉？老弟指等空空个乳粉罐仔，同脣項个跳啊跳个蝴蝶仔，噉到緊發噎⁶，講：「嗚……蝴蝶仔……，分蝴蝶仔食忒咧啦！嗚……」，阿爸聽著，緊掌老弟一个頭那，忍等笑同老弟講：「大慈係，若蝴蝶仔大哩，變做蝴蝶咧啦！母係分蝴蝶仔食忒。莫噉啦！」，老弟聽著恁樣講，正轉笑面。

因為童年畜「蝴蝶仔」個經驗，分老弟對自然科學當有興頭，這下老弟既經係當受學生仔歡迎个自然科先生，也輒輒會帶細人仔滿哪仔去做研究呢！

¹ 蝴蝶仔：音 guai' ngiam e`；蝴蝶。

² 漚雨：音 eu i`；下很久的雨。

³ 斷雨腳：音 ton' ri giog`；久雨終於停了。

⁴ 涉水：音 zeb sui`；腳踏入水中。

⁵ 吉曾吉：音 mang' qien' mang`；時候未到。

⁶ 發噎：音 bod` ed；哭得喘不過氣來。

【孤栖个白鶲哥¹】彭瑞珠原作

𠂌去學校个路項，會經過一頭當大頭个番樣樹²。朝晨，𠂌遠遠就聽著，當多鳥仔在樹頂搞到異大聲，當鬧熱。一開始，係幾隻白頭公在該緊講「出力，出力！出力，出力！」；續等，嘩嚦屎仔³也來加油講「遠遠，啾啾！遠遠，啾啾！」；過吧，係一陣屋簷鳥「唧唧唧唧、唧唧唧唧」在樹頂開會个聲哨。

𠂌想，今晡日仰會有恁多鳥仔在樹頂搞呢？係，熱天个樹頂較涼爽？還係，樹頂還有當多番樣好食？𠂌臥頭看往上，無啊，番樣都分人摘淨吔，就伸著一樹个青葉定定。還過，啾啾滾个鳥仔，也看母著半隻，就聽著屋簷鳥還在該開會个聲定定。毋過，屋簷鳥實在倘⁴細隻吔，因在此佢兜大恁多个番樣葉裡肚，𠂌當然也看無。

日時頭，𠂌還在該緊想，仰明明聽著恁多鳥仔聲，又看母著半隻，行過樹下，乜無看著鳥仔飛走啊，還怪奇喨！放學个時

節，𠂌共樣行該條路，還言行到番樣樹下，就看著番樣樹脣項個楊桃撥撥跌⁵咗。𠂌看一下四圍，無風啊，過看一下楊桃樹頂，無人啊！該，楊桃仰會自家跌下來呢？𠂌行過去看，會行到樹下哩，就聽著樹頂有英文同𠂌講「哈囉⁶！」

原來，係一隻調皮个白鶲哥。朝晨，樹頂該陣鳥仔聲，就係你嗬！遠遠有鳥仔飛過，你就同人喊加幾聲仔門鬧熱，難怪𠂌會聽著恁多鳥仔聲，又看母著鳥仔。𠂌也行過去同佢「哈囉」，毋過，佢全無插𠂌。

像係使性个細人仔樣仔，佢嘴嘟嘟仔，用腳抓⁷起一粒楊桃、喫一口就同佢擲忒。楊桃還言跌落地泥，佢又抓起另外一粒楊桃來喫，大粒、細粒，有熟、亾熟个楊桃，分佢擲到一地泥就係。

白鶲哥，係母係尙孤栖咗呢？雖然，佢無插𠂌，𠂌還係「三隻鼻公筦」，異聞管个勸話佢講：「白鶲哥啊，你莫恁仔！楊桃又無得失你，做麼个尋佢兜出水呢？若屋下人，乜怕係尋你尋到當愁哦！你愛轉去無？你係孤栖，𠂌來同你做朋友，好無？」

¹ 鶲哥：音 en' go'；鶲鶲。白鶲哥，白色的鶲鶲。

² 番樣樹：音 fan' son su；芒果樹。

³ 嘩嚦屎仔：音 bid lid sii' e；綠繡眼。

⁴ 倘：音 tióng；太。

⁵ 撥撥跌：音 bad bad died；紛紛掉落。

⁶ 哈囉：音 ha lo'；源自英文 Hello，你好之意。

⁷ 抓：音 sa'；抓取。